

ხ ე ლ შ ე კ რ უ ლ ე ბ ა N28

საყოფაცხოვრებო ნარჩენების გატანის მომსახურების გადახდის თაობაზე

03.09.2018 წელი

ქ. ახალციხე

ერთის მხრივ, ახალციხის მუნიციპალიტეტის მერია, შემდგომში „შემსრულებელი“, წარმოდგენილი მერის ზაზა მელიქიძის სახით და მეორეს მხრივ სსიპ „ახალციხის საგანმანათლებლო რესურსცენტრი“ (იურ. მისამართი: ქ. ახალციხე კეცხოველის ქ. N6 ს/კ: 224068504) წარმოდგენილი რესურსცენტრის უფროსის ხათუნა ხმალაძის სახით, შემდგომში „დამკვეთი“.

„დამკვეთი“ და „შემსრულებელი“ შემდგომ ტექსტში ერთობლივად მოხსენიებულია როგორც „მხარეები“.

მუხლი 1. ხელშეკრულების საგანი

1.1. ამ ხელშეკრულებით გათვალისწინებული მომსახურება მოიცავს „შემსრულებლის“ მიერ საყოფაცხოვრებო ნარჩენების გატანის უზრუნველყოფას ქ. ახალციხეში, კეცხოველის ქ. N6 მიმდებარედ არსებული ტერიტორიიდან. (ფართი 189კვმ)

მუხლი 2. მომსახურების ანაზღაურების წესი და პირობები

2.1. ამ ხელშეკრულების შესაბამისად გაწეული მომსახურებისათვის „დამკვეთი“ „შემსრულებელს“ გადაუხდის თვეში – 28.35 ლარის ოდენობით, (საკრებულოს დადგენილება N29, 22. 12. 2017 წ.).

2.2. ანგარიშსწორება განხორციელდება თვეში ერთხელ, ყოველი მომდევნო თვის 20 რიცხვამდე, შემდეგ რეკვიზიტებზე: ბანკის კოდი TRESGE22, ფინანსთა სამინისტროს სახაზინო სამსახური; დასუფთავების მოსაკრებელი, კოდი – 300883189;

მუხლი 3. მხარეთა უფლებები და მოვალეობები

3.1. „დამკვეთი“ უფლებამოსილია:

- მოთხოვოს „შემსრულებელს“ ამ ხელშეკრულებით გათვალისწინებული ღონისძიებების შესრულება გულისხმიერად, ხარისხიანად და შეთანხმებული პირობების დაცვით;

3.2. „დამკვეთი“ ვალდებულია:

- აუნაზღაუროს „შემსრულებელს“ მომსახურების ღირებულება ამ ხელშეკრულებით დადგენილი წესით და პირობებით;

3.3. „შემსრულებელი“ ვალდებულია

- ამ ხელშეკრულებით გათვალისწინებული მომსახურება განხორციელოს საკუთარი პერსონალის მეშვეობით გულისხმიერად, ხარისხიანად და მოქმედი ნორმატივების დაცვით,

3.4. „შემსრულებელი“ უფლებამოსილია

- მოითხოვოს მომსახურების ღირებულების ანაზღაურება იმ პირობებითა და ოდენობით, რაც დადგენილია ამ ხელშეკრულებით;

- მომსახურების ღირებულების გადახდის დაგვიანების შემთხვევაში დამკვეთს გაუზღავნოს გაფრთხილების წერილი და აცნობოს გადაუხდელობის შემთხვევაში მოსალოდნელ შედეგებზე.

- მოთხოვოს „დამკვეთს“ სრულად დაიცვას დადებული ხელშეკრულების პირობები.

მუხლი 4. ფორს - მაჟორი

იმ შემთხვევაში, თუ მთლიანად ხელშეკრულების ან რომელიმე სახელშეკრულებო ვალდებულების შესრულება შეზღუდულია ან შეუძლებელი გახდა ისეთი გარემოებათა გამო, რომელზეც ხელშეკრულების მხარის კონტროლი არ ვრცელდება, კერძოდ, ხანძარი, აფეთქება, ეპიდემია, ქარიშხალი, მეწყერი, წყალდიდობა ან ნებისმიერი სხვა მსგავსი სახის ბუნებრივი მოვლენა; ომი, სახელმწიფო თუ სამხედრო გადატრიალება, სამოქალაქო არეულობა, ბლოკადა ან სხვა მსგავსი სახის მოვლენა ან ნებისმიერი ისეთი გარემოება, რაც საქართველოს კანონმდებლობის თანახმად ითვლება ფორს-მაჟორული ხასიათის მქონედ, მაშინ ასეთი მხარე განთავისუფლდება ხელშეკრულებით, ან მოქმედი კანონმდებლობით განსაზღვრული პასუხისმგებლობისაგან ფორს-მაჟორული გარემოების მოქმედების მთელი დროის მანძილზე. ამასთანავე, ასეთი მხარე დაუყოვნებლივ აცნობებს მეორეს ფორს-მაჟორული გარემოების დადგომის შესახებ, ყოველგვარ ძალისხმევას მიმართავს მსგავსი გარემოების თავიდან ასაცილებლად და ფორს-მაჟორული გარემოების მოქმედების შეწყვეტისთანავე დაუყოვნებლივ განაახლებს ხელშეკრულებით ნაკისრი ვალდებულებების შესრულებას.

მუხლი 5. ხელშეკრულების მოქმედების ვადა

5.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედების ვადა განისაზღვრება **03.09.2018-დან 31.12.2018-მდე** თუ კი ხელშეკრულების ვადის ამოწურვამდე ერთი თვით ადრე მხარეები არ გამოთქვამენ სურვილს შეწყვიტონ ხელშეკრულება ან ცვლილებები შეიტანონ მასში, იგი ავტომატურად გრძელდება იგივე ვადით და პირობებით. აღნიშნული გაგრძელების მექანიზმი მოქმედებს ვადის ყოველი ამოწურვისას.

5.2. ხელშეკრულების ვადამდე ადრე შეწყვეტა შეიძლება მოხდეს მხარეთა შეთანხმებით ან კანონმდებლობით გათვალისწინებულ სხვა შემთხვევებში 30 დღით ადრე, წინასწარი შეთანხმებით;

5.3. ხელშეკრულების შეწყვეტა არ გულისხმობს იქამდე განხორციელებული თუ დაგეგმილი საქმიანობის კონფიდენციალურობის დაუცველობას.

5.4. „დამკვეთს“ უფლება აქვს ცალმხრივად შეწყვიტოს ხელშეკრულების მოქმედება, თუ „შემსრულებლის“ მხრიდან ადგილი ექნება ამ ხელშეკრულებით მისი პირობების შეუსრულებლობას.

მუხლი 6. მარეგულირებელი სამართალი და დავათა გადაწყვეტა

6.1. წინამდებარე ხელშეკრულება რეგულირდება საქართველოს კანონმდებლობის შესაბამისად.

6.2. მხარეთა შორის არსებული დავა წყდება ურთიერთშეთანხმებით.

6.3. შეუთანხმებლობის შემთხვევაში მოქმედი კანონმდებლობის შესაბამისად დავას წყვეტს საქართველოს სასამართლო.

მუხლი 7. სამართალმემკვიდრეები და უფლებამონაცვლეები

წინამდებარე ხელშეკრულების დებულებები ცალსახად და უპირობოდ ვრცელდება ამ ხელშეკრულების მხარეებზე და მათ შესაბამის სამართალმემკვიდრეებსა და უფლებამონაცვლეებზე.

მუხლი 8. დასკვნითი დებულებები

8.1. წინამდებარე ხელშეკრულება წარმოადგენს მასში მითითებულ საკითხთან დაკავშირებით მხარეთა შორის გაფორმებულ ერთიან და მთლიან ხელშეკრულებას, რომელიც ცვლის მხარეთა შორის არსებულ საკითხთან დაკავშირებით მანამდე არსებულ ნებისმიერ შეთანხმებას.

8.2. იმ შემთხვევაში, თუ წინამდებარე ხელშეკრულების რომელიმე დებულება ჩაითვლება არაკანონიერად, ამგვარი დებულების ძალის დაკარგვა ზემოქმედებას არ მოახდენს წინამდებარე ხელშეკრულების სხვა დებულებების ქმედითობაზე.

8.3. წინამდებარე ხელშეკრულებაში დამატებების და/ან ცვლილებების შეტანა შესაძლებელია მხოლოდ მხარეთა შეთანხმებით. ამასთან, ცვლილება ან დამატება შესრულებული უნდა იყოს წერილობით და სათანადოდ ხელმოწერილი მხარეთა მიერ.

8.4. წინამდებარე ხელშეკრულების ყველა შესაძლო დანართი შეადგენს ამ ხელშეკრულების განუყოფელ ნაწილს და აღსრულება წარმოებს მოცემული ხელშეკრულების ყველა დანარჩენ პირობასთან ერთად.

8.5. ხელშეკრულება ძალაში შედის მხარეთა მიერ ხელმოწერისთანავე.

8.6. ხელშეკრულება შესრულებულია ორი თანაბარი იურიდიული ძალის მქონე ეგზემპლარად ქართულ ენაზე. ყოველ მხარეს გადაეცემა ხელშეკრულების ერთი ეგზემპლარი.

მუხლი 9. მხარეთა იურიდიული რეკვიზიტები

„შემსრულებელი“

„დამკვეთი“

ახალციხის მუნიციპალიტეტის

სსიპ „ახალციხის საგანმანათლებლო რესურსცენტრი“

მერია

მის: ქ. ახალციხე,

კოსტავას ქ. N18

ს/კ: 224101317

მის: ქ. ახალციხე,

კეცხოველის ქ. N 6

ს/კ: 224068504

ახალციხის მუნიციპალიტეტის

წარმომადგენელი

მერი

რესურსცენტრის უფროსი

ზაზა მელიქიძე

ხათუნა ხმალამე



Handwritten signature in blue ink, written over a dashed horizontal line.

